

# Tgi è Bonnemain?

Josef Bonnemain – conservativ dentant constructiv

MARTIN CABALZAR/FMR

■ **Il nov uvestg da Cuira Joseph Maria Bonnemain (72) è medi, spiritual d'ospital e derschader ecclesiastic (uffizial) da l'uestgieu. Dapi 40 onns è Bonnemain stà engaschè en la diocesa da Cuira ed enconuscha quella sco nagin auter.** Il nov uvestg *Josef Bonnemain* è naschi ils 26 da fanadur 1948 a Barcelona (E) sco figl d'in bab svizzer e d'ina mamma catalana. El è burgais da Les Pommerats (JU). En Spagna ha el fatg la matura ed alura studegià medischina a Turitg. Silsunter ha el studegià teologia a Ruma e 1978 è il vegnì ordinà dal cardinal König da Vienna sco spiritual da la prelatura dad Opus Dei. 1980 vegn el promovì en dretg ecclesiastic e returnà en Svizra. Sco medi e teolog ha el rinforzà da 1983 fin 1991 la delegaziun da la Sontga Sedia tar l'Organisaziun mundiala da sanadad WHO a Geneva. L'onn 2003 è el vegnì nominà canoni.

Actualmain funcziuna Bonnemain sco uffizial, pia sco derschader suprem da la diocesa. En il medem temp è el responsabel per las relaziuns cun ils organs da la baselgia statala e cun ils chantuns. Dapi 2008 è Bonnemain commember dal cussegl episcopal, dapi 2009 monsignore apostolic. El ha dentant er gia exequì las funcziuns da custos, sextar, penitenziar e cantoratedral ed enconuscha uschia la sedia episcopala da Cuira sco nagin auter.


Sco secretari dal gremi da spezialists che s'occupa d'abus sexual en la pastoraiziun, installà da la Conferenza dals uvestgs svizzers, represchenta Bonnemain ina politica da nagina toleranza en cas d'abus sexuals e da pussanza. Dapi 40 onns è Bonnemain spiritual da l'ospital Limmattal a Schlieren (ZH). Dapi prest quatter decennis pendulescha el tranter Cuira e Turitg. Tenor kath.ch vuleva el a sias uras rinforzar la preschientscha catolica a Turitg cun promover la baselgia «Liebfrauen» a Turitg

sco con-catedrala, quai che haja provocà irritaziuns en il Grischun.

## Da l'ami al criticher da Haas

Sco bun ami da l'uestg Wolfgang Haas haja Bonnemain gi defendi la legalitad contestada da si'elecziun sco coadjutor, tradescha kath.ch. Era appartegneva Bonnemain da quest temp – ensem cun *Martin Grichting* a las forzas che vulevan stgassar il sistem dual, cun smesar las cumpetenzas civilas e dals laics entaifer la baselgia. En il decurs dal temp haja Bonnemain dentant midà sia tenuta ed haja uschia pers il sustegn da l'ala conservativa. Per ils canonis Martin Grichting e *Gion-Luzi Bühler* è Bonnemain stà la pli gronda trumpada, han ins intervegnì dal protocol secret dal chapitelatedral.

Las emprimas reacziuns sin la nominaziun dal nov uvestg en positivs. Ins ha grondas speranzas ch'el saja abel da tgirar il dialog, far punts ed uschia reunir la diocesa polarisada.



**Bonnemain enconuscha la diocesa da Cuira sco nagin auter.** FOTO MAD